

UGOVOR O NABAVCI ROBE
KOMPJUTERSKA OPREMA po Erasmus + Projektu Re@WBC
za LOT. 1.-UNIVERZITET U SARAJEVU

Zaključen između Ugovornih strana:

1. UNIVERZITET U SARAJEVU, Obala Kulina bana br. 7/II, Sarajevo, koga zastupa rektor prof. dr. Rifat Škrijelj (u daljem tekstu: Kupac)
ID: 4200494560007

i

2. PRINTEX d. o. o. Hasana Sušića 9 i 11, 71000 Sarajevo, koga zastupa direktor Igor Siručić (u daljem tekstu: Prodavac)

ID broj: 4200597450005

Broj transakcijskog računa: 1401011120015577 otvoren kod SBERBANK BH D.D.
SARAJEVO

Ovaj Ugovor se zaključuje na osnovu Odluke broj: 0101-7662-13-LOT.1./17 od 03. 05. 2017. godine o dodjeli ugovora drugorangiranom ponuđaču, koja je donesena nakon provedenog OTVORENOG POSTUPKA prema članu 4. Sporazuma o provođenju postupka zajedničke javne nabavke, zaključenog između Univerziteta u Sarajevu i Univerziteta u Istočnom Sarajevu, za koji je dana 22. 02. 2017. godine na Portalu javnih nabavki BiH, objavljeno Obavještenje o nabavci broj: 999-1-1-61-3-4/17.

I. PREDMET UGOVORA

Član 1.

Predmet ovog Ugovora je nabavka robe-**KOMPJUTERSKA OPREMA** (u daljnjem tekstu: roba) za potrebe Univerziteta u Sarajevu i Univerziteta u Istočnom Sarajevu, kao partnere u Erasmus + projektu broj: 561586-EPP-1-2015-1-RS-EPPKA2-CBHE-JP "Enhancement of HE Research Potential Contributing to Further Growth of the WBC Region" ("Unaprijeđenje istraživačkog potencijala u visokom obrazovanju koji će doprinijeti daljem razvoju područja zapadnog Balkana") (Erasmus + Projekat Re@WBC), u svemu prema Tenderskoj dokumentaciji broj: 0101-7662-4/16 od 30. 12. 2016. godine (u daljem tekstu: Tenderska dokumentacija) i ponudi Prodavca broj: 28/17 od 15. 03. 2017. godine (u daljnjem tekstu: Ponuda Prodavca), koje čine sastavni dio ovog Ugovora.

II. CIJENA

Član 2.

Ukupna cijena ovog Ugovora prema specificiranim robama, količinama i ugovorenim jediničnim cijenama za **KOMPJUTERSKU OPREMU** iznosi:

31.962,00 KM bez PDV-a

(slovima: tridesetjedahiljadadevetstotinašezdesetdvije KM i 00/100).

Cijene robe obuhvataju sve troškove (carine, takse i ostale dažbine) do isporuke robe na adresu krajnjeg korisnika.

Ugovorene cijene iz stava 1. ovog člana su fiksne i neće se mijenjati za vrijeme trajanja ovog ugovora (paritet: DDP krajnji korisnik na naznačenoj destinaciji), raspakovano i povezano.

III. MJESTO ISPORUKE

Član 3.

Mjesto isporuke predmetne robe je na adresi organizacione jedinice Kupca:

- Univerzitet u Sarajevu-Prirodno-matematički fakultet, Zmaja od Bosne 33-35,
71 000 Sarajevo

IV. ROK I NAČIN ISPORUKE

Član 4.

Prodavac se obavezuje da će isporuku robe izvršiti u roku od 30 (trideset) dana od dana potpisivanja ovog Ugovora.

Prodavac je dužan da Kupca blagovremeno obavijesti o svim nepredviđenim okolnostima i slučajevima koji onemogućavaju izvršenje nabavke u roku iz stava (1) ovog člana.

Prodavac je dužan da pismenim putem obavijesti Kupca odmah, a najkasnije 48 (četrdesetosam) sati nakon pojave nepredviđenih okolnosti, kako bi isti cijeneći nastale okolnosti, mogao da razmatra eventualnu mogućnost produženja ugovorenog roka.

Član 5.

Prodavac je dužan da robu isporuči u originalnom pakovanju.

Isporuka podrazumijeva i predaju detaljne tehničke i korisničke dokumentacije neophodne za instaliranje, za korištenje i održavanje opreme.

Kupac se obavezuje da preuzme robu pod uslovima i u količini navedenoj u Tenderskoj dokumentaciji i Ponudi Prodavca.

Ukoliko ovlaštena lica Kupca utvrde da dostavljena roba nije u skladu sa zahtjevom iz Tenderske dokumentacije i Ponudom Prodavca ili je oštećena ili neispravna, Kupac je dužan eventualne prigovore na isporučenu robu iznijeti odmah, a najkasnije u roku od 5 (pet) dana od dana preuzimanja.

Ukoliko ovlaštena lica Kupca, prilikom isporuke robe utvrde nedostatke, odbit će prijem takve robe, te zahtijevati od Prodavca da u roku od 24 (dvadesetčetiri) sata isporuči robu bez nedostataka, odnosno nedostatke otkloni. Ukoliko Prodavac u ostavljenom roku ne isporuči robu bez nedostataka, odnosno nedostatke ne otkloni, Kupac ima pravo da raskine ugovor i zahtijeva naknadu štete.

Prilikom preuzimanja robe koja odgovara zahtjevima navedenim u Tenderskoj dokumentaciji i Ponudi Prodavca, sastavlja se „Zapisnik o prijemu robe“ koji potpisuju ovlaštena lica Kupca i Prodavca.

V. UGOVORNA KAZNA

Član 6.

Ukoliko Prodavac svojom krivicom ne isporuči robu u roku utvrđenom u člana 4. ovog Ugovora, a ne radi se o višoj sili, Prodavac se obavezuje da Kupcu plati ugovornu kaznu u visini od 0,2 % od ukupne ugovorene vrijednosti robe, za svaki dan kašnjenja, a najviše 5 % (pet posto) od ukupno ugovorene vrijednosti robe.

Prodavac je dužan platiti ugovornu kaznu u roku od 7 (sedam) dana od dana prijema zahtjeva od strane Kupca.

Prodavac neće platiti ugovornu kaznu ako dokaže da nije kriv za kašnjenje u isporuci robe. Prodavac će platiti samo dio ugovorne kazne koji je srazmjeran njegovoj krivici, ako dokaže da je samo djelimično kriv za kašnjenje.

Kupac neće moći naplatiti ugovornu kaznu ukoliko je do kašnjenja došlo usljed više sile.

Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje Prodavac nije mogao uticati, niti ih predvidjeti.

Ukoliko je zbog kašnjenja Prodavca u isporuci robe, Kupac pretrpio štetu koja je veća od iznosa ugovorne kazne, Kupac može, umjesto ugovorne kazne od Prodavca zahtijevati naknadu štete, odnosno pored ugovorne kazne može da zahtijeva i razliku do punog iznosa pretrpljene štete.

VI. NAČIN PLAĆANJA

Član 7.

Ugovorne strane su saglasne da se plaćanje preuzete robe vrši u roku od (30) trideset dana od dana prijema potpisane i ovjerene fakture.

Plaćanje se vrši na transakcijski račun Prodavca.

Prodavac je dužan da uz fakturu dostavi otpremnicu i potpisan „Zapisnik o prijemu robe“.

Prodavac dostavlja fakturu sa propratnom dokumentacijom na Pisarnicu Univerziteta u Sarajevu, Obala Kulina bana 7/II, 71 000 Sarajevo.

Kupac se obavezuje da Prodavcu dostavi ovjerenu kopiju Potvrde o oslobađanja od plaćanja PDV-a prije izdavanja originalne fakture.

Prodavac se obavezuje izdati originalnu fakturu bez izračunate vrijednosti iznosa PDV-a, koja sadrži klauzulu: „Oslobođeno plaćanja PDV-a- Potvrda IPA II DEU Kontrolni broj: EU/2017/861302 od 16. 02. 2017. godine, kao i napomenu "u okviru Erasmus + Projekta broj: 561586-EPP-1-2015-1-RS-EPPKA2-CBHE-JP "Enhancement of HE Research Potential Contributing to Further Growth of the WBC Region (Re@WBC)" ("Unaprijeđenje istraživačkog potencijala u visokom obrazovanju koji će doprinijeti daljem razvoju područja zapadnog Balkana"). Na fakturi u odjeljku: Iznos PDV-a, Prodavac se obavezuje unijeti iznos 0,00 KM.

VII. OBAVEZE KUPCA

Član 8.

Kupac se obavezuje da:

- Prodavcu odredi termin za isporuku predmetne robe;
- izvrši pregled i preuzimanje isporučene robe, bez nedostataka;
- da plati primljenu fakturu, u skladu sa članom 7. stav (1) ovog Ugovora.

VIII. OBAVEZE PRODAVCA

Član 9.

Prodavac se obavezuje da:

- isporučiti robu prema zahtjevima iz Tenderske dokumentacije i Ponude Prodavca;
- izvršiti sve radnje neophodne da roba bude spremna za prijem kao što su: pakovanje, otprema, utovar, prevoz i osiguranje, obavljanje svih neophodnih administrativnih i komercijalnih formalnosti, te prevoz i istovar na adresi krajnjeg korisnika, provjera funkcionalnosti i kontrola svih funkcija i sve druge usluge u smislu pripreme robe za prijem;
- snosi sve rizike do konačnog prijema robe od strane krajnjeg korisnika;
- izvrši isporuku robe na mjestu i u roku utvrđenom ovim Ugovorom;
- kvalitetno i uredno izvrši ovaj Ugovor u skladu sa nalogima Kupca, važećim propisima, pravilima i standardima struke za ovu vrstu posla, štiti prava i interese Kupca, te ga obavještava o toku realizacije Ugovora;
- riješi eventualne reklamacije Kupca potpisane od strane ovlaštenog predstavnika Kupca,
- izvrši instalaciju, testiranje i puštanje u rad, a sve prema zahtjevu Kupca, kako je navedeno u Tenderskoj dokumentaciji,
- ispostavi fakturu za isporučenu robu.

IX. GARANCIJA

Član 10.

Prodavac daje garanciju Kupcu da roba odgovara u svemu tehničkim normativima i važećim propisima.

Prodavac garantuje funkcionisanje i tehničke karakteristike robe i odgovoran je za sve eventualne nedostatke i defekte na isporučenoj robi.

Garantni rok za svu isporučenu robu traje minimalni vremenski period koji je zahtjevan u Tenderskoj dokumentaciji od strane Kupca i teče od dana isporuke robe.

Član 11.

U garantnom roku Prodavac se obavezuje da odmah započne sa popravkom ili zamjenom i otklanjanjem kvarova i nedostataka na isporučenoj robi, ali najkasnije u roku od 2 (dva) dana od dana prijema robe od strane Kupca.

Prodavac preuzima neispravnu i vraća popravljenu robu krajnjem korisniku.

Prodavac se obavezuje da će u garantnom roku obezbijediti servisiranje, odnosno otklanjanje kvarova na opremi preko mreže ovlaštenih servisa.

U garantnom roku popravke, zamjene, otklanjanje kvarova i nedostataka na isporučenoj robi padaju na teret Prodavca.

Ukoliko Prodavac ne bude u mogućnosti da započne otklanjanje kvarova i nedostataka u roku od 2 (dva) dana od dana prijem obavještenja od Kupca, Kupac ima pravo da sam otkloni nedostatke ili da ovaj posao povjeri trećem licu o trošku Prodavca.

Na popravljene i zamjenjene dijelove predmetne robe, garantni rok počinje teći od dana izvršene popravke ili zamjene.

Garantni rok se produžava za period koliko je trajalo otklanjanje nedostataka ili kvarova robe.

X. RASKID UGOVORA

Član 12.

Kupac ima pravo jednostrano raskinuti ovaj Ugovor i pravo na naknadu eventualne štete u slijedećim slučajevima:

- ukoliko Prodavac kasni sa isporukom robe iz neopravdanih razloga,
 - ukoliko isporučena roba ne odgovara tehničkim propisima i standardima za tu vrstu opreme i kvalitetu navedenom u Tenderskoj dokumentaciji i Ponudi Prodavca,
- Ugovor može biti jednostrano raskinut dostavom pismene obavijesti drugoj Ugovornoj strani 15 (petnaest) dana prije raskida.

Obavijest mora sadržavati razlog raskida ugovora.

U slučaju raskida ugovora, Ugovorne strane su saglasne da će u svemu izvršiti međusobne uzajamne obaveze nastale do tog roka, u skladu sa realizacijom ovog Ugovora.

XI. ZAVRŠNE ODREDBE

Član 13.

U skladu sa članom 72. stav (6) Zakona o javnim nabavkama BiH, Prodavac nema pravo zapošljivati, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala komisija za nabavke, najmanje 6 (šest) mjeseci po zaključenju ovog Ugovora, odnosno od početka realizacije ovog Ugovora.

Član 14.

Ugovorne strane su saglasne da se na sve međusobne odnose koji nisu definisani ovim Ugovorom, neposredno primjenjuju odredbe Zakona o obligacionim odnosima.

Član 15.

Ugovorne strane su saglasne da sve eventualne sporove rješavaju sporazumno, a u slučaju da sporazum nije moguć, ugovora se nadležnost stvarno nadležnog suda u Sarajevu.

Član 16.

Ovaj Ugovor stupa na snagu kada ga potpišu i ovjere ovlaštene predstavnici Ugovornih strana. Datum kasnijeg potpisivanja ovog Ugovora, smatra sa datumom stupanja na snagu ovog Ugovora.

Član 17.

Ovaj Ugovor je sačinjen u (4) četiri istovjetna primjerka, od kojih po (2) dva primjerka zadržava svaka Ugovorna strana.

ZA KUPCA

Rektor


Prof. dr. Rifat Škrijelj



ZA PRODAVCA

Direktor

Igor Siručić



Broj: 0101-7662-15-LOT.1./17
Sarajevo, 10.05.2017

Broj: 01-177/17
Datum, 09.05.2017-g.